

PATHIAN TUH HUN TENG A I POIMOH AHI

Jamson

Mihing in huih dik diing kiching, tui dawn diing kiching, an nek diing kiningching leh sum leh pai zat diing kiching i neih a i dam a, i galmuan chiang in i hinkhua ah taksap leh poimoh nei nawnlou kisakna i nei khanak hi. Huaiziaktak in i hinkhua a poimohpen hiaite (huih, tui, ann, sum leh pai, damna leh bitna chihte) bang i sakha nak uhi. Himahleh min hinkhua a haksatna taktak a hon tuah chiang un bel Pathian lou a hitheilou ahih lam phawk in chikmah a Pathian min ana lou ngeiloute bang in leng Pathian minlou in Pathian a sam uhi.

Tulel a i gamsung dinmun i thei chiat uh. Amun a omte'n i theichiang sem diing. Lemna leh muanna himhim omlou a bit kisakna omlouh ziak in Pathian Ioungal belh diing leh taina diing dang neilou in Pathian kiang ah i tai uhi. Hun dang a Pathian phoklou a ut leh dah a hinkhua ana zangte nangawn in leng Pathian poimoh a hihlam phok in Pathian a sam uhi. Haksat hun nangawn a leng Pathian poimoh i hihlam phoklouh theihlai ahihman in hiai bang hun haksatna a Pathian poimoh i hihlam phok tuh thil kihpahhuai khat ahi.

Hinkhua a haksatna i tuah hun kia a Pathian poimoh i hi zenzen kei uh. Pathian tuh i hinsung teng, hun teng a i poimohpen ahi gige. Hiai thu Solomon in ana thei chian mahmah ahihman in mihingte poimohpen (man's all) tuh Pathian ahihdan Ekljiasti 12:13-14 ah ana gen hi. Hon siamtu Pathian ahihziak in (Gen. 2:7; 5:2; Deut. 4:32; Job 12:10; Sam 8:5) Amah tuh i poimohpen ahi gige. Hon siamtu neih tuh adang teng neihsa toh kibang ahi. Kua dang sang a abawltu'n a theihpen diing ziak in Gari hiam, i mobile phone hiam in a bawltu sang a apoimoh zawk diing dang a omkei diing hi. Mihingte leng huchi bang mah i hi uh.

Hinkhua teng a i poimohpen Pathian hinapi in hun tamzaw ah i phok khakei nak uh. I poimohpen gentaklouh Pathian poimoh kha i hihlam leng phoklou, Pathian lou a hithei diing kisakna bang a om khanak. Tu'n Pathian i poimohpen ahihlam phokkei mah lehhang nikhat ni chiang in kiphok thouthou diing hi. I kha a pepa kiang ah khatveitei kiknawn diing hi (Eccl. 12:7; 12:13-14). Huai hun chiang in Pathian thu dungzui a thukhen in ki-om diing a (Johan 12:48), huchi'n Pathian lou a hitheilou i hihlam hong lang chiang mahmahta diing hi.

Ei Khristiante nasan inleng khovel thilte a i buai theihluat ziak un hunteng a i poimohpen Pathian ahihlam kimangngilh phialphial in hun tamtak bang ah kiphoklou nak hi. Khovel thilte kia buaipih a i neih khak chiang in huaite'n i lungsim Pathian apan in ahon lamang nak in (Matthai 13:22) Pathian hon mangngilhsak hi. Mihau hai gentehna thu a mihau pa'n leng a lei goute a buaipih luatna lam in a kha a diing, a sih nung diing phok khalou hi (cf. Lk. 12:20-21). Khovel thilte kia a i buai chiang in i ginna in khovel hauhna ban muphalou in hinkhua a poimoh i sakpente a hong kilehbulh uh hi. Isau inleng be meh a duhluat ziak in huai sang a manphazaw uzaw hihna manpha anasa zoukei hi (Heb. 12:16-17).

Pathian tuh i haksat ni kia hilou in hunteng a i poimoh pen hi gige ahi chih phok thak ni. Hun haksat hun ah Pathian i poimoh tham uh. Amah hon humbittu leh i kulhpi muanhuai uhi ahi. A kiang i zuan dia i bel diing uh. Huan, hun haksatna hun kia ah hilou in hunteng a leng Pathian lou a hitheilou i hihlam phok gige in Pathian toh tonkhawm den ni hang.

PLACE OF WORSHIP

Secred Heart Cathedral,
Yusuf Sadan, Ashoka Road,
Delhi - 110001

Phone No. 9953968807
website : www.cocdelhi.org

'KHRIS' SUANGPHUM, A WEEKLY BULLETIN FOR
THE MEMBERS OF THE CHURCH OF CHRIST, DELHI,
ON THE FIRST DAY OF THE WEEK'

Enkaitu : Jamson Guite

BIBLE CLASS**Class**

Adult : James, Siamkhanmuan
Inter. : Biakmang & Jamson
Junior : Minlun & Suanlian
Primary : Vungngaihkim & Rose
Beginner : Chingkhanlun & Nuam

Teacher

**TOUPA NI'
THILPIAK**

Date 30.4.2023 = 49,891/-

THOUGHT OF THE WEEK

*Toupa zaw a hoih a, mangbat ni a kulh kip
ahi; amah a aginna uh koih mite a thei hi
- Nahum 1:7*

THU TUAMTUAM**THU TUAMTUAM****BIAKNA HUNZEEK****TOUPA' NI**

DATE 7.5.2023

Hun-uk thumna : Thangbiakmang
Lapi : Siamkhanmuan
Thilpiak : Kamkhenthang
Theihgigena : Pauminlun
Thugen : Jamson
Thumna : Amjangthang

MIDWEEK ONLINE BIBLE CLASS

DATE 10.5.2023

Thumna : Thangzalam
Sinsaktu : Chuck Horner
Thumna : Janglet

KIGINNI

DATE 13.5.2023

Hun-uk thumna : Thongginlian
Lapi : Khamminthang
Thugen : Nekkhothang
Thumna : Dongkhanlian

TOUPA' NI

DATE 14.5.2023

Hun-uk thumna : Thongginlian
Lapi : Khamminthang
Thilpiak : Lang James
Theihgigena : Kammuanlal
Thugen : Jamson
Thumna : Sei Robert

PAWTKHAWMNA OM NAWN

☛ Sepna mun kisuan ziak a Lamka lam pai diing unaupa Tawnsianpau-te inn ah kal paita Toupa ni biakkhawna zoh in edification lamte makaihna in pawtkhawmna om hi. Hiai unaute manphakhakna a pawtkhawmna ah unaute hunkhop kimansak in kipaikhawm hi. Lasak khawmna, hasotna leh thumna hun manphatak zatkhawm in om a manpha mahmah. Unaupa Tawnsianpau-te innkuan leng ana kipak mahmah uhi. Saptuam in leng kihihhoih mahmah.

SEPNA AH ANA KAISANG

☛ Muanhuaitak apan thu kiza dan in unaupa Kamkhenthang sepna lam ah ana kaisang nawn hi. Unaupa ahileh Joint Secretary apan in Additional Secretary ah ana kaisang hi. Unaupa lohchinna i kipahpih chiat ua maban ah leng Pathian vualzawlina dawng in maban hon sawnzal leh chih i deihsak uhi.

Saptuamte a vangkim in sepna lam a kaisang ki-om touzel hi. I biak Pathian in salam leh khalam a masawn zel diing i a tate hon ompih touzel hen chi i thumna uh ahi.

NGAPLOU

☛ Kal paita sung in unaunu Vungngaihkim in a pheipi ah meimatam lianpi nei in office leng ni nih lam kai theilou in ana om in a meima ana buaipih mahmah. Tunbel a dam lam hita.

NAKTAK IN THUM NI

☛ I gam uh Manipur lam buaina ziak in unaute inn leh lou tan banah ah Imphal a koltang tamkhop om uhi. Amaute a diing leh i gam a bitna leh muanna hong om theihna diing in unaute'n Pa kiang ah naktak in ngen ni.

SUTI HONG PAI

☛ Odissa a siamsin a va om unau-pa Lungsang a summer suti uh a kipat toh kiton in suti hong pai a tun ilak uah omlel hi. May kha leh June kha sung om thei diing hi'n kigen hi. LLB 5 years course zil a va om hi a, kum khat zilbeh leh zouta diing hi.

DELHI NUSETA UH

☛ A sepna mun thak Guwahati lam zuan diing in kal paita sepnawn ni in unaupa Tawnsianpau-te inn kuan in Delhi nusia in Lamka lam honna zotsan uhi. Damtak in Lamka tung ua tun theihman un i kipak uh. Lamka ah ni tamlou tuang in huai apan Guwahati lam zuan diing uhi.

HONGTUNG KIKNAWNTA

☛ A sanggampa unaupa Thongglun sihna toh kisai a Seitol lam a va pai unaupa Janglet kal paita sepnawn ni in dam in Delhi hongtung nawnta hi. Dam a hongtung i kipak uh.

MEETING OM DIING

☛ Dam a hun hoih i muh ua buaina dang ahong omkei leh ahong tung diing tu kiginni chiang in workplan a gelkholhsa bangbang in unaupa Jangthang inn mun ah Saptuam business meeting neih hi diing hi. Unaute'n ngaikhok in pasalte a tam theilam tel di'n kisa chiat ni hang.

A INN UH KIHALSAK

☛ I gamsung buaina ziak in Seitol leh Imphal a unaute inn a tamzaw halsak in om hi. Seitol ah unaute inn thum lel kihallou a adang teng kihaltum in kisia hi. Tun Seitol lam a unaute Tuibuang a tanau bel theite'n bel ua, unaute 20 phial Lamka Mission veng biak inn mun ah om uhi.